

COMUNICATO n. 3478 del 10/12/2024

Traduzione in mòcheno

Sprochminderhaitn: vernaiert de toalnemmer van Klòfftisch

[Mòcheno] Pet a naia mosnemm de Provinzaljunta hòt u'ganommen de vourtschbinn van president Maurizio Fugatti za vernaiern de toalnemmern van Klòfftisch van sprochminderhaitn, sai' kemmen derstellt de toalnemmer as barn en toalmòchen. Der Klòfftisch, gamòcht sait hourneng 2012 - no rècht u'nemm va de Konferenz van Minderhaitn - hòt en zil za suachen òrbetnplan ont projekt òrbetn ver de nochrichn dinstn ver za giltn as en lònt as òlla meing sechen de nochrichn ont hom informazionen as de miderhaitsproch ver sèll as kearn projekt, iniziative as temen tschuacht va ber as toalmòcht. "Turch de jarder, de òrbet van Tisch ist bichte kemmen ver a strategi sait as de politiker gamòcht ver de sprochminderhaitn" hòt puntlech kein der president Fugatti.

De toalnemmer van Klòfftisch sai' kemmen vernaiert en 2020 ont en 2022, no organisativen bècksln as hom enteressart de provinz organisasion van u'stelltn bècksl. Òndra sochen as sai' passiart hom pfrok iaz a naia bècksl ver za mòchen pesser funziarn der tisch.

Der Tisch ist iaz asou toalganommen:

- Elisabetta Sovilla, viareren van Dinst van Sprochminderhaitn ont de ausbendegen nètzn, abia regiarung van Tisch;
- Evelyn Bortolotti, vourstea'ner van dinstn va de sproch ont va de kultur van Comun General de Fascia ont Sabrina Rasom, viareren van Istitut Cultural Ladin "Majon di Fascegn", techniker vourstelltn ver de ladiner sprochminderhait;
- Claudia Marchesoni, viareren van Bersntoler Kulturinstitut, techniker vourstellte ver de Bersntoler sprochminderhait;
- Willy Nicolussi Paolaz, viarer van Kulturinstitut Lusérn, techniker vourstellte ver de zimber sprochminderhait;
- Giovanna Chiocchetti, en plòtz van viarer van omt ver de Sprochminderhaitn va de Autonome Region Trentin ont Südtirol, techniker vourstellte van Dinst;
- Giampaolo Pedrotti, vourstea'ner van Druck Dinst va de Autonome Provinz va Trea't.

En tisch mein kemmen inngalònt za toalnemmen abia gastn, vourstea'ner va dinstn òllgamo'omtn oder auskennetamentschn en sektorn as kearn en de iniziative as meing opfern s sai' bissn.

Ibersetz gamòcht van Sprochtirl va de Tolgamo'aschòft Hoa Valzegu' ont Bersntol

(cdt)